



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. I. Conclusio affirmativa statuitur,

---

[urn:nbn:de:hbz:466:1-77232](#)

ipsam Dei essentiam, sed tantum excellentem quandam lucem, & claritatem à Deo emanantem, in qua appetet ut Sol in radiis, in aqua vel aere receptis. Scindam eft ( inquit ) quod fuerunt nonnulli, qui Deum dixerunt, etiam in illa regione beatitudinis, in claritate quidem sua confici, sed in natura minime videri. Quos nimis minor inquisitionis stabilitas fecerit. Neque enim illi simplici & incommutabili essentia, aliud est claritas, & aliud natura: sed ipsa ejus natura, sua claritas: ipsa claritas, natura eft, &c.

Idem attribuitur Armenis, qui etiam dicebant homines beatificari in quadam claritate & fuligore Dei, non tam ad ejus substantiam visionem pervenire posse. Quod etiam docuit Abailardus, ut colligitur ex D. Bernardo Epift. 190. Et Almaricus cujus errores in Concilio Lateranensi sub Innocentio III. confutavit S. Dominicus. Denique hunc errorem suspicuntur aliqui viguisse apud antiquos Iudeos, quia D. Hieronymus super caput 1. Isaiae, dicit Iudeos ideo interfecisse illum Prophetam, quod dixisset se vidisse Deum facie ad faciem, putantes in hoc contradixisse Deo dicenti Exodi 33. Non videbit me homo & vivet. Sed incertum eft, an illi senserint, Deum non videri posse in alia vita, vel solùm in iſta. Ut hic error confutetur, & beatifica visionis possibilias declaratur, sit

### §. I.

#### Conclusio affirmativa statuitur.

41. **D**ico igitur, Deum posse clare videri ab intellectu creato, lumine glorie confortato, & elevato. Ita constat ex Concilio Florentino in litteris sanctae unionis, ubi dicitur, animas plene purgatas invueri Deum clare, trium & unum sicuti eft. Idem definierat antea Benedictus XI. in Extra, que incipit, Benedic tus Deus.

Plura etiam possunt Scripturæ loca adduci, que Deum in alia vita clare videri, manifeste declarant. Ifa nobis sufficient. Matth. 5. Beati munda corda, quoniam ipse Deum videbunt. 18. Angeli eorum semper vident faciem Patris mei, qui in Cælis eft. Isaiae 33. Regem in decoro suo videbunt oculi ejus. 1. Ioan. 3. Cum apparuerit similes ei erimus, quia videbimus eum sicuti eft. 1. ad Corinth. 13. Videremus nunc per speculum in anigmate, tunc autem facie ad faciem.

42. His Scripturae testimonis, quedam rationes adjungi possunt, quibus visionis beatifica possibilias, probabiliter suaderi potest; cum enim sit supernaturalis, ratione naturali indemonstrabilis eft, ut infra ostendemus. Duas afferit D. Thomas hic art. 1. Prima eft, quia beatitudo hominis, reipsa posita eft in visione divinae essentiae; consilium enim in altissima & perfectissima ejus operatione, que eft operatio intellectualis: Sed homo potest consequi suam beatitudinem, alioquin eſſet deterioris conditionis, quam ceteræ creature, quarum unaquaque potest ad suum finem, & beatitudinem propriam pertingere: Ergo homo potest divinam essentiam, ut in ſe eft, intueri. Quia ratio abstrahit à celebri illa quæſtione, de qua agitur in Tractatu de beatitudine, in quo nempe beatitudo hominis essentialiter conſtat, in visione ſcilicet, vel amore, vel in utroque ſimil: & ſolū afferit ( quod in omnium ſententia certum eft ) beatitudinem

A in visione Dei poſitam eſſe: ſive in ea essentialiter conſtat, ſive eam necessariō tantum requirat.

Hac ratio magis declarari & illustrari potest, exponendo quā ratione viſio beatifica ſit perfectissima operatio creature intellectualis, & conſequenter ejus beatitudo. Illa enim eft perfectissima operatio creature intellectualis, que eft participatio majoris excellentia divina, quā plus gloria confert Deo, & plus nobilitatis & perfectionis ipsi creature: Sed viſio beatifica habet illas conditions: Ergo eft perfectissima operatio creature intellectualis. Major conſtat, Minor verò quantum ad singulas partes declaratur.

B Et in primis quod viſio beatifica ſit participatio majoris excellentia divina, conſtat ex eo quod illa participat divinum intelligere, quod maiorem exprimit in Deo perfectionem, quam voluntio, & alia attributa, ut ſupra oſtendimus, agen- do de constitutivo divina natura. Deinde cognitio clara & intuitiva Dei, magis illum honorat, quam amor noſter; etenim per amorem damus nos Deo, per viſionem beatam illum cognoscimus, ejusque perfectiones, & attributa manifeſtamus: magis autem honoratur Deus, per claram maniſtationem ſuarum perfectionum, quam per oblationem bonorum creature. Sicut si plebeius Imperatorem incognitum maniſtaret tori urbi, aut imperio, magis illum honoraret, & plus gloria ei conſerret, quam si domunculam ſuam & tugurium ei offerret: ſecundus autem eft de cognitione hujus vita, illa enim, cum ſit imperfectissima, & procedens per conceptus inadäquatos, communes, & conſufos, magis deprimit Deum, quam extollat: unde cognitione Dei in via, non eft ita perfecta, ſicut ejus amor: e contra verò in patria, cognitione in perfectione, & nobilitate ſuperat amorem, ut in Tractatu de beatitudine fuſt oſtendemus.

Quod autem per viſionem beatificam plus adveniat perfectionis creature, quam per quamlibet aliam operationem, declarat D. Thomas hic art. 1. ex eo quod in illo eft ultima perfectione creature rationalis, quod eft ei principium eſſendi: intantum enim unumquodque perfectione eft, in quantum ad ſuum principium attingit. Unde Picus Mirandulanus definit beatitudinem, reditum creature ad ſuum principium: perfecta autem conjunctio intellectualis creature ad ſuum principium, fit per claram Dei viſionem, per quam Deus immediatè unitur intellectui creato, per modum formæ, & ſpeciei intelligibilis; & à qua dimanae amor beatificus, per quem etiam homo intimè Deo conjungitur, & ad ſuum redit principium, à quo per creationem exierat, ut eleganter declarat Marsilius Ficinus in convivio Platonis cap. 21. his verbiſ. Qui Deum vero amore proſecutus fuerit, Deum inveniet, & ſe in Deo recuperabit, quia ad ſuam per quam creatus eſſet redibit ideam, ubi rurſus reformatur, quia idea ſue perpetuo coherebit. Ideo quisquis noſtrum in terribus, & Deo separatus eft, non verus eft homo, ſed ſemibomo; cum à ſui idea ſit, forma que diſiunetur.

E Secunda ratio D. Thomæ ſumitur ex eo quod in homine eft naturale desiderium videndi pri- mam cauſam, cum intuetur ejus effectus: unde cum illud desiderium, utpote à natura inditum, fruſtrari non poſſit, ſaltem in omnibus, dicendum eft, intellectum creatum, uſque ad ipsam Dei viſionem, poſſe pertingere.

Cui

43

Tract. 1.  
diſp. 2.  
art. 1.

Diſp. 3:  
art. 2.

44

45

# DE POSSIBILITATE VISIONIS DEI.

121

Cui rationi alia etiam probabilis adjungi potest. Licet enim divina essentia sit objectum improprietatum, & excedens vires naturales intellectus creati, continetur tamen intra objectum ejus adaequatum, & extensivum, ut antea declaravimus: unde licet in creatura intellectuali, non sit potentia naturalis ad Dei visionem, ei tamen inest potentia obedientialis, seu non repugnativa, ut ad illam eleveretur.

**46.** Confirmatur: Quoties aliqua potentia potest imperfecto modo aliquod objectum attingere, non repugnat eam elevari, ad illud perfecte cognoscendum: ut constat in potentia visiva noctue, quia quia imperfekte lumen Solis videre potest, majoribus viribus confortata, Solem ipsum perfecte potest intueri. Ergo cum intellectus creatus, ratione sua amplitudinis, & universalitatis respiciat ens ut sic, Deo & creaturis analogice commune, & naturaliter Deum, saltem imperfecte & abstractivè, cognoscere possit: nulla est repugnantia, sed potius summa convenientia, quod ad claram & intuitivam Dei visionem eleverur; cum ad hoc præcipuum conditus sit homo, ut Deum perfecte cognoscat, & diligat. Unde haec summa amplitudo, & capacitas naturæ intellectualis, quæ respicit ens ut sic, & bonum universale, est præcipua ejus excellencia, radix sua felicitatis, ac veluti anfa, quæ à Deo apprehenditur, & ad claram ejus visionem elevatur.

§. I.

## Solvantur objectiones.

**47.** **O**bijcies primò: Deus in Scriptura sepe dicitur invisiibilis: ut i. ad Timoth. 3. Regi scolorum immortali, & invisiibili. Et ibidem cap. 6. Quem nullus hominum vidit, sed nec videre potest. Joan. t. Deum nemo vidit unquam: Ergo nullus intellectus creatus ad claram Dei visionem eleveri potest. Probatur Consequentia. Quia Jerem. 32. Deus dicitur incomprehensibilis, inferunt Theologi, illum à nullo intellectu creato posse comprehendti: Ergo similiter ex eo quod Scriptura dicat illum esse invisiibilem, recte interfertur, ipsum à nulla creatura intellectuali posse videri. Unde 2. Petri 1. dicitur in quem desiderant Angeli prospicere: desiderium autem est de re nondum habita & possessa; in qua à fruitione & delectatione distinguitur, que circa bonum praefens & adeptum versantur.

**48.** Respondeo quid quando in Scriptura, Deus dicitur invisiibilis, vel à nullo hominum posse videri, hoc debet intelligi, vel de visione corpora, vel de intellectuali per vires naturæ habita, vel de comprehensiva, vel denique de visione quæ habeatur in hac vita mortali. Unde ad illud quod additur, neganda est paritas: ratio autem disparitatis est, quia nullibi in Scriptura dicitur, quod Deus sit comprehensibilis à creatura; assertur tamen varijs in locis, suprà à nobis relatis, quod ab illa videri potest, & quod de facto viderat à Beatis in patria; sicutque ut omnia cohærent, cum dicitur invisiibilis, hoc debet necessario exponi, aliquo ex his quatuor modis iam relatiss.

Ad illud vero quod de Angelis 2. Petri dicitur, respondet D. Gregorius libro 18. moralium cap. 29. his verbis: Sed quia de Deo per primum Ecclesie Prædicatore dicitur: in quem desiderant Angeli prospicere: sunt nonnulli qui nequaquam Deum videre, vel Angelos suspicantur; & tandem dictum per Veritatis sententiam scimus: An-

geli eorum in celis semper vident faciem Patris mei qui in celis est. Nunquid ergo aliud veritas, aliter prædicator insonat veritatis? Sed si sententia utraque conseruit, quia sibi nequaquam discordet, agnosciatur. Deum quippe Angeli eis vident, & videre desiderant; & sitiunt intueri & intuentur. Si enim sic videre desiderant, ut effectu desiderij sui minimè perfruantur, desiderium sine fructu anxiatem habet, & anxietas pñnam. Beati vero Angeli ab omni pena anxietatis longè sunt, quia nunquam simul pena & beatitudo convenient. Rursum cum eos dicimus Dei visione satiari, quia & Psalmista ait: Satiabor dum manifestabitur gloria tua: Considerandum nobis est, quoniam satietatem solerit fastidium subsequi. Ut ergo rectè sibi utraque convenient, dicat veritas: Quia semper vident: dicat prædicator egregius: Quia semper videre desiderant. Ne enim sit in desiderio anxietas, desiderantes satiantur: ne autem sit in satietate fastidium, satiati desiderant. Et desiderant igitur sine labore, quia desiderium satietas comittatur; & satiantur sine fastidio, quia ipsa satietas ex desiderio semper acceditur. Sic quoque & nos erimus, quando ad ipsum fontem vite venerimus. Erit nobis delectabiliter impressa simul sitis atque satietas. Sed longè absit ab ista siti necessitas, longè à satietate fastidium, quia & sientes satiabimur, & satiati sitiemus.

Obijcies secundò: D. Chrysostomus hom. 14. 49:

**C** in Joan. dicit: Ippsum quod est Deus, non solum Prophetæ, sed nec Angeli viderant, neque Archangeli: quod enim creabilis est nature, qualiter videre poterit quod increabile est? Idem repetit in pluribus homilijs contra Anomæos, ubi passim dicit, Deum non videri ab aliquo intellectu, etiam Angelico.

Respondeo D. Thomas hic art. 1. ad 1. D. Chrysostomum loqui de visione comprehensionis, nam statim subdit, Visionem dici certi simam Patris considerationem, & comprehensionem, tantam quantum Pater habet de Filio. Sed hanc responsionem reciuit Vazquez hic disp. 37. cap. 2. & 3. quia (inquit) Anomæi contra quos agit Chrysostomus, non asserebant Deum comprehendivè cognosci in hac vita: neque enim existimandum est, ita amentem fuisse Eunomium, ut voluisset sibi attribuere infinitam scientiam quam habet Deus, quantum ad modum cognoscendi, sed solum quantum ad rem cognitam: Ergo cum Chrysostomus neget illam quam asserbat Eunomius, non comprehensionem negat, sed quidditativam. Addit Suarez libro 2. de attributis, negativis cap. 7. difficiliorum locum ex ipso Chrysostomo in eadem homilia, in qua ait, Angelos vidisse quidem Deum in natura assumpta, nam antea non videbant: qui locus exponi non potest de visione comprehensiva, nam Angeli post assumptionem naturam, Deum non comprehendunt. Denique Vazquez ubi supra multos alios Patres numerat cum Chrysostomo: scilicet Hieronymum, Epiphanius, Theodoreum, Theophilum, utrumque Cyrillum, Nilensem, Eutimium, Primasium, & alios, quin locum sicut Chrysostomus, & concludit, quod si sincerè loqui velimus, vix possumus Sanctos illos Patres in bonum sensum interpretari.

Sed mirum est, quod ille Author malit Eunomium, & alios Hæreticos, ab infânia excusare, quam SS. Patres ab errore absoluere: præsertim Chrysostomum, totius Ecclesiæ ut loquitur In-

Tom. I.